



集一切福德三昧經卷上

賴

姚秦三藏鳩摩羅什譯

如是我聞一時佛在毗舍離菴羅樹園大法講堂與大比丘眾十千人俱皆阿羅漢諸漏已盡無復煩惱心得自在心得好解脫慧得好解脫其心調柔如大龍王所作已辦捨離重擔逮得已利盡諸有結到於彼岸菩薩摩訶薩二萬人俱皆不退轉得陀羅尼及無身辯獲大神通善能出生諸深三昧念慧堅指智慧方便到於彼岸其名曰行志菩薩摩訶薩師子志菩薩摩訶薩妙色志菩薩摩訶薩增去志菩薩摩訶薩增長志菩薩摩訶薩無量志菩薩摩訶薩法志菩薩摩訶薩薩彌勒菩薩摩訶薩文殊師利童子菩薩摩訶薩那羅延菩薩摩訶薩如是上首二万菩薩復有四万天子皆向大乘及餘無量釋梵護世今時世尊與无量百千万億大眾恭敬圍繞而為說法今時世尊却後三月當捨身命入般涅槃當于是時佛法勝妙

極為增感隱蔽一切諸外道等

今時千世界主那羅延菩薩從坐而起整於衣服右膝著地合掌向佛自言世尊如來不久當捨身命畢竟涅槃今如來法極為取上能悉隱蔽一切外道无信敬者善哉世尊惟願如來護諸菩薩令得現生一切諸善善根增上其心歡悅增益威德不斷佛種護持法眼及與僧眼惟願如來攝救一切諸眾等分別演說向涅槃道所說正法若佛滅後令諸菩薩流通不斷及阿耨多羅三藐三菩提久住於世不離見佛聞法供養僧增益念力不忘諸法增益慧力覺了深法增長進力得進解義得具慚力淨自心故具足愧力捨離一切諸惡法故得堅固力威儀具足故有牢強勇健除斷一切諸結使故有大雄猛所住无畏故世尊云何菩薩摩訶薩不失功德不失正法不失慧不失智不失菩薩心志念堅固親友究竟令諸眾生乃至涅槃如說如作不誑眾生住滿佛法不來自施悉捨於一切自如教

集一切福德經卷上 第三張

住任三淨戒自住淨忍心无慮獲於諸衆生其心平等自住精進作一切業自住諸禪具三善戒自善住慈不依着於一切禪定自住明慧離諸邪見一切法中得於照明以四攝法攝取衆生無有疲倦不求恩報常念修行一切人天所有善處住一切智心如門闢心不趣向聲聞緣覺心常趣法不趣於欲為法王利非人天利行智慧行佛智所說以法養命非飲食活遠離貪欲攝受一切遠離瞋恚於諸衆生無假害心遠離愚癡離諸法闇出過衆魔離諸結惱善巧方便善趣諸門如是問已今時世尊告千世界主那羅延善哉善哉那羅延汝今乃能為諸菩薩問於如來如是之義那羅延汝今諦聽善思念之當為汝說菩薩摩訶薩如是諸行所得功德復過於是時那羅延菩薩歡喜白言善哉世尊受教而聽佛告那羅延菩薩摩訶薩有三昧名集一切福德菩薩成就是三昧者不失功德不失正法不失於慧不失於智不失見佛聞法

集一切福德經卷上 第四張 經字

供僧勤修四攝自住布施乃至自住於善方便成就此功及餘功德今時世尊敷演說是集一切福德三昧名已即便默然
 今時有大力士名曰淨威成就大力居毗舍離大城作如是念我大力士成就大力闍浮提中所有衆生无有大力與我等者我先聞有沙門瞿曇成就大力具足十力那羅延身復作念言我當往觀沙門瞿曇何如我也
 今時淨威力士出毗舍離大城趣菴羅園大法講堂到已瞻觀如來應正遍覺佛大威德百千萬衆恭敬圍遶而演說法猶如須彌顯于大海周匝端嚴極為微妙當初覩見於如來時得大信樂愛敬之心即前投地礼如來足右遶三匝却住一面合掌頂上一心觀佛是時世尊知是淨威力士心已欲降伏故告大目連目連汝往取吾昔菩薩時為娉瞿夷釋種女故捕力時箭今時目連白世尊言我都不見知在何處今時世尊從於右足放大光明名曰照明是光遍照三千

集一切福德經卷上 第五張 經字

大千此佛世界時三千大千世界之下大金剛輪箭在彼豎今時世尊告大目連汝見此界大金剛輪箭在彼豎不目連白言已見世尊佛告目連汝取持來時大目連即下至彼如大力士屈申臂頃一切大衆皆見其去即便持來授與如來作如是言世尊是菩薩時父母生力為神通力佛言是菩薩時父母生力非神通力目連菩薩若以神通之力是箭即過无量無邊諸佛世界大德目連白言世尊乃是菩薩父母所生福德之力佛告目連如十人力等一健牛力十健牛力等一青牛力十青牛力等一凡象力十凡象力等一羅迦象力十羅迦象力等一迦尼象力十迦尼象力等一香象力十香象力等一毗陀象力十毗陀象力等一無闍象力十無闍象力等一伊沙陀象力十伊沙陀象力等一安禪象力十安禪象力等一婆摩象力十婆摩象力等一青象力十青象力等一黃象力十黃象力等一赤象力十赤象力等一白象力十

集一切福德經卷上 第九張 頌字

不能及得具如是十種之力名為如來應供正遍覺是故目連如來之力為本善根之所護持無增无減此中不明菩薩通力菩薩若用神通力者能以恒河沙等世界置於足指一毛端上擲過无量無邊恒河沙世界如是往來不令眾生有於苦惱如是神力無量无边不可思議不可稱量不可數知無等等若當如來盡現所有神通力者汝等聲聞尚不能信况復其餘諸眾生也目連菩薩趣詣道場上時觀於地大水火風大志為一界所謂空界是故大地而不壞敗眾生无惱時淨威力士從如來所聞說菩薩父母生力聞已驚恠身毛皆豎生希有心從坐而起正於衣服右膝著地合掌向佛白言世尊我今憍慢志皆摧滅從如來所聞菩薩力故世尊我今歸依佛法眾僧發於无上正真道心為欲安樂一切眾生願得具足如來之力余時復有十千天子聞淨威力士作如是語皆發無上正真道心亦作是念世尊願令我等得如是

集一切福德經卷上 第十張 頌

力如今如來應供正遍覺余時那羅延菩薩白言世尊云何名為菩薩所修集一切福德三昧如來先說是名字已即便默然世尊今當敷演解說是集一切福德三昧云何菩薩得是三昧余時世尊告千世界主那羅延菩薩那羅延無有菩薩發於无上正真道心而不修是集一切福德三昧者何以故一切福德無有不入初發心中那羅延猶如江河一切諸流無有不入大海中者如是那羅延所有福德若施戒修有漏无漏世間出世間若天人所有福德皆悉攝在發菩提心中是故那羅延若善男子善女人欲集一切諸福德者當發无上正真道心那羅延猶如寶山所謂須弥目真隣陀摩訶目真隣陀輪圍山大輪圍山及諸餘山藥木叢林村邑聚落大小諸城閭浮提弗婆提瞿耶尼鬱單越諸四天下及千世界二千世界三千大千世界欲界色界无色界日月星宿若日月蝕一切皆攝二千大千世界之內乃至百億四天下皆

集一切福德經卷上 第十一張 頌

志在中如是那羅延所有一切諸凡夫福若學人福無學人福若菩薩福若如來福一切皆攝在於菩薩初發心中是故那羅延若欲攝取一切福德當發菩薩阿耨多羅三藐三菩提心那羅延若四下一切眾生悉具轉輪大王福德若有初發大乘道心福德智慧殊勝於彼那羅延如四下一切眾生乃至三千大千世界所有眾生是眾生界之所攝者是一一眾生皆具轉輪大王福德是諸轉輪大王福德為一轉輪大王德聚是一一眾生復具是德於意云何是諸福德寧為多不那羅延言是一人福尚多無數况復无量阿僧祇人所有德聚佛言那羅延置是三千大千世界所有眾生乃至恒河沙等世界所有眾生悉具轉輪大王福德那羅延於意云何是諸德聚寧為多不那羅延言世尊若一三千大千世界眾生具足轉輪大王所有德聚尚多无量无边阿僧祇况復無量无边世界眾生具足轉輪大王福德之聚那羅延我

今知已而唱是言有初發菩提之心
所有德聚比前德聚百分不及其一
十分百千分百千萬億分乃至算數
譬喻所不能及那羅延是名初說入
集一切福德三昧復次那羅延如千
世界梵王慈心普遍滿此一千世界
那羅延有人復以滿千世界七寶布
施於意云何是人施福梵王慈福何
者為勝那羅延言世尊梵王慈福无
量無邊那羅延置是千世界梵王慈
心若二千世界梵王慈心普遍滿此
二千世界那羅延若復有人以滿二
千世界七寶持用布施汝意云何是
人施福梵王慈福何者為勝那羅延
言世尊梵王慈福無量无邊那羅延
如三千大千世界梵王慈心普遍滿
此三千大千世界若復有人以滿三
千大千世界七寶布施於意云何是
人施福梵王慈福何者為勝那羅延
言世尊梵王慈福無量无邊那羅延
言世尊施福比慈百分不及一千分
百千分乃至算數譬喻所不能及佛
言如是四千世界梵王慈心亦遍滿

此四千世界五千世界梵王慈心亦
遍滿此五千世界十千世界梵王慈
心亦遍滿此十千世界百千世界梵
王慈心亦遍滿此百千世界那羅延
若人以滿百千世界所有七寶持用
布施所得福聚比慈福德慈福為勝
那羅延正使是等三千大千世界之
中一切衆生各具慈心如百千世界
大梵天王所有慈心是諸慈心福德
之聚欲比菩薩初發道心專志增上
為脫一切所有衆生無幻无偽實
為一切衆生修行慈心福德百分不
及一十分百千分億分百億分千億
分乃至算數譬喻所不能及那羅延
是故當知若欲修集一切福德是善
男子善女人應發阿耨多羅三藐三
菩提今發當發具足如是無量无邊
福德之聚是第二說入集一切福德
三昧復次那羅延汝意云何東方虛
空為普遍不南西北方四維上下所
有虛空為普遍不那羅延言世尊東
方虛空尚不得邊何況十方不可說
無量无邊隨有世界虛空普遍佛言

那羅延假令有人乃至百千萬億劫
中引諸喻說欲盡虛空得其邊際不
得其邊那羅延我今引喻以明斯義
為欲成滿是集一切福德三昧故亦
令增益諸有修集福德衆生增長志
欲令向大乘菩薩摩訶薩滿大精進
集那羅延若以芥子咸滿三千大千
世界乃至非想非非想處滿中芥子
假令有人持過東方百千恒河沙等
世界下一芥子如是東行盡是芥子
猶不能得世界邊際南西北方四維
上下亦復如是那羅延若復恒河沙
等世界滿中芥子那羅延頗有人天
能數如是一切芥子知其數不時那
羅延白言世尊若四天下一切衆生
成就智慧如舍利弗於一劫數猶尚
不能數其一分况能數盡大芥子聚
那羅延假令有人過於東方恒河沙
世界著一芥子如是東行盡是芥子
猶故不得世界邊際南西北方四維
上下亦復如是那羅延如是世界虛
空普遍設有人天以滿中七寶持用
布施那羅延於意云何是福德聚寧

集一切福德經卷第二 第十五 跋

為多不那羅延言無量世尊无边世尊佛言那羅延是人所有福德之聚欲比初發道心菩薩成就志欲無幻无為勤修為脫一切眾生起大慈大悲所集德聚是施德聚百分不及一乃至算數譬喻所不能及那羅延十方一切所有諸虛空悉受那羅延菩薩心亦復如是遍滿十方諸佛世界所有眾生皆悉普遍那羅延是菩薩慈心所及眾生令悉具足轉輪大王所有福德如是帝釋所有福德如是梵王所有福德若有菩薩初發道心專志趣向無幻无為勤修精進為脫一切所有眾生起慈悲心而趣向之行於慈悼所得福德是福勝彼一切眾生具轉輪王帝釋梵王所得功德那羅延是第三說入集一切福德三昧復次那羅延假令三千大千世界所有眾生皆具轉輪大王福德比帝釋福德百分不及一乃至算數譬喻所不能及那羅延假令三千大千世界所有眾生皆為帝釋比梵王所有福德百分不及一乃至算數譬喻所

集一切福德經卷上 第六 頌字

不能及那羅延假令三千大千世界一切眾生皆悉具足大梵天王所有福德比一斷欲優婆塞所有福慧百分不及一乃至算數所不能及那羅延假令三千大千世界所有眾生皆為斷欲優婆塞所有福慧比舍利弗所有福慧百分不及一乃至算數譬喻所不能及那羅延假令三千大千世界所有眾生福德智慧如舍利弗比一緣覺所有福慧百分不及一乃至算數譬喻所不能及那羅延若令三千大千世界所有眾生悉具緣覺所有福慧比一五百劫中修行菩薩所有福德智慧百分不及一入集一切福德三昧應如是學說是法時三万二千眾生皆發無上正真道心此三千大千世界六種震動人天伎樂同時俱作人天雨花積至于膝天龍夜叉乾闥婆釋梵護世皆作是言世尊是初發心者悉勝我等世尊我等亦當利是善男子善女人已發今發當發阿耨多羅三藐三菩提心者如我等解佛所說義若有眾生不發无

集一切福德經卷上 第七 頌字

上正真道心則不能趣是集一切福德三昧不能正入若有眾生發於無上正真道心則能得趣是集一切福德三昧亦能正入余時淨威力士白言世尊以何等法能得成就攝此集一切福德三昧佛言善男子成就一法攝此集一切福德三昧何等一法謂不捨於一切智心善男子是名成就一法攝此集一切福德三昧復次善男子復成就二法攝此集一切福德三昧謂聞法無厭聞已修行善男子是名成就二法攝此集一切福德三昧復次善男子復成就三法攝此集一切福德三昧何等三謂離諸惡修行善法巧迴向善男子是名成就三法攝此集一切福德三昧復次善男子復成就四法攝此集一切福德三昧所謂戒 淨見淨心淨慧淨善男子是名成就四法攝此集一切福德三昧復次善男子復成就五法攝此集一切福德三昧何等五所謂專意發菩提心常真實語无有諂偽無有嫉妬於一切眾生心常平等善男

子是名成就五法攝此集一切福德三昧復次善男子復成就六法攝此集一切福德三昧何等六所謂親近於善知識離惡知識遠離衆閑閑居寂靜不捨大慈於諸衆生起大悲心善男子是名成就六法攝此集一切福德三昧復次善男子復成就七法攝此集一切福德三昧何等七所謂修定善於智慧善知於因善知於緣正直而任修集於道修行道時无有懈怠善男子是名成就七法攝此集一切福德三昧復次善男子復成就八法攝此集一切福德三昧何等八謂調柔身調柔心觀受觀法未生惡法令其不生惡法斷之令滅未生善法方便令生已生善法護令增長善男子是名成就八法攝此集一切福德三昧復次善男子復成就九法攝此集一切福德三昧何等九觀過法無盡現法無盡來法無盡觀法如幻等覺三世如一切法知而忍之不謗於空不分別無相不願諸有善男子是名成就九法攝此集一切福

德三昧復次善男子復成就十法攝集一切福德三昧何等為十所謂解无我想忍於無命不疑无人緣法無常於諸生處如地獄想觀四大如毒蛇觀入如空聚觀陰如魁魘流出諸有想樂修解脫善男子是名成就十法攝此集一切福德三昧尔時淨威力白佛言世尊若菩薩摩訶薩欲成就一切福德莊嚴者應聽是三昧菩薩摩訶薩欲集一切福德者應聽是三昧若菩薩摩訶薩欲得不思議福德者應信是三昧應聽是三昧若菩薩摩訶薩欲得無盡福德者應當修行於是三昧若菩薩摩訶薩欲到一切福德大海者應當受持讀誦修說於是三昧若菩薩摩訶薩欲得百福相者應當修行於是三昧尔時淨威力士復白佛言世尊菩薩摩訶薩何法相應成就滿此一切福德莊嚴修集一切福德不可思議福德无盡福德大海福德滿百福相尔時佛告淨威力士善男子有於三法為福德莊嚴德莊嚴福德來集福德增廣福德无

盡福德大海福德叵思何等三謂一布施莊嚴持戒莊嚴多聞莊嚴善男子云何菩薩摩訶薩修行布施莊嚴善男子菩薩摩訶薩應生是心若布施時不見施心不見所施及以受者不見眷屬若有乞者來有所求為攝護故不以王位封邑財物諸珍寶等而有憐惜生於異心善男子是菩薩摩訶薩作如是念今我此身志已給施一切衆生况餘財物若已施者終無悔心須財施財須食施食須飲施飲須眼施眼須肉施肉須血施血須髓施髓須於支節施與支節須頭施頭我志當施况餘財物穀米金銀裘服瓔珞象馬車乘園城王宮男女妻妾奴婢眷屬無不捨者若有衆生隨其所須而未索之我隨所有悉當施與无有憂悔不望其報起慈悲心為攝衆生攝取衆生乃至成佛終無有盡善男子若有菩薩發如是心是名菩薩布施莊嚴復次善男子菩薩不自觀計身命寧捨身命終不為惡不為養身邪命自活寧捨身命不惱於他不

集一切福德經卷上 第三十一

為封邑造行諸惡不為眷屬熾然諍訟不為妻妾及以男女嫉利他財不生慳心常恒少欲乃至不生一念惡心况復多也為斷慳貪不生瞋恚无瞋恚故正行相應正行相應故到於正處到正處故正戒相應正戒相應故親善知識恭敬供養恭敬供養善知識故得聞正法聞正法已如說修行如說修行已則能利益邪道眾生不作眾惡隨順善法得知方便知眾生根善男子而是菩薩行施莊嚴得是功德復次善男子菩薩摩訶薩不生內外想若內地大若外地大等无異想何以故身猶如牆壁草木如影如炎無知无思無作无堅四大所攝若有斫截刀杖凡石搗打之者終不生報不觀計身不愛壽命於諸眾生不起瞋恚彼眾生所修慈悲心善男子猶如藥樹若有取根莖節枝葉花鬚及果終不作念取根莫取莖取枝莫取根如是乃至枝葉果實亦亦而是藥樹都无想念然能寂滅一切眾生若上中下所有病患如是善男子

集一切福德經卷上 第三十一

菩薩摩訶薩於四大身生藥樹想隨諸眾生須手與手須脚與脚須眼與眼須肉與肉須血與血須骨與骨須髓與髓須頭與頭須支節者施與支節善男子若是菩薩以如是心行施莊嚴趣向無盡菩薩摩訶薩行布施時為慳眾生令成滿施少福眾生具滿福德貧窮眾生滿大封邑若捨支節為令眾生具滿支節如是布施不向三處何等三不求王位自在不求大富自樂不向聲聞緣覺菩提如是布施為滿四淨何等四淨謂佛土淨菩薩僧淨化眾生淨迴向一切智淨菩薩摩訶薩應當如是迴向四淨復次菩薩摩訶薩施住無盡何等名為菩薩施住善男子菩薩摩訶薩有四法布施是施有盡何等四謂不迴向無有方便所為下劣近惡知識善男子是名菩薩四法布施是施有盡善男子菩薩有四法布施施住无盡何等四謂迴向善提有巧方便為得法王近善知識善男子是名菩薩四法施住而不可盡復次善男子菩薩摩

集一切福德經卷上 第三十一

訶薩應念三法而行布施謂念不離菩提之心憐愍一切所有眾生不違佛語不望果報善男子是名菩薩念於三法而行布施復次善男子菩薩摩訶薩安置眾生於三法中而行布施何等三謂安眾生善讚法中而行布施為安眾生善讚法中而行布施為安眾生善無上門中而行布施善男子是名菩薩摩訶薩安置眾生於三法中而行布施復次善男子菩薩摩訶薩歸望二法而行布施何等二所謂怖望有大封邑能行捨心善男子是名菩薩怖望二法而行布施復次善男子菩薩摩訶薩為滿二法而行布施謂智與慧善男子是名菩薩摩訶薩為滿二法而行布施復次善男子菩薩摩訶薩進趣二法而行布施何等二謂盡智無生智善男子是名菩薩摩訶薩進趣二法而行布施復次善男子菩薩摩訶薩修行四施何等四謂等心行施不望果報施向菩提施滿調寂施善男子是名菩薩修行四施是故善男子菩薩欲趣至

一切福德經卷上 葉十四 經字五
 无盡福應當修行如是布施亦時淨
 威力士即自佛言希有世尊如來說
 施攝取一切佛之正法世尊若有菩
 薩成就是施无有能量是菩薩福
 佛言如是如是善男子若有菩薩成
 就具足如是布施如是菩薩成就具
 足無盡福德大海福德不貧聖法成
 大封邑住在法流獲得大財具足七
 財成大福德持百福德為大福田養
 育一切諸衆生等
 集一切福德三昧經卷上

集一切福德三昧經卷上
 校勘記

- 一 底本，金藏廣勝寺本。
- 一 一頁中二行「三藏」，[資、磧、普、南、徑、清]作「三藏法師」。以下各卷同。
- 一 一頁中三行第一〇字「舍」，[資、磧、普、南、徑、清]作「耶」。
- 一 一頁中一三行末字「去」，[資、磧、普、南、徑、清]作「法」。
- 一 一頁下一三行第一一字「養」，[資、磧、普、南、徑、清]無。
- 一 一頁下一八行第一〇字「大」，[磧]作「人」。
- 一 一頁下一八行第一二字「猛」，諸本作「猛」。
- 一 一頁下二一行首字「薩」，[石、資、磧、普、南、徑、清]作「提」。
- 一 二頁上三行第三字「住」，[石]作「在」。
- 一 二頁上一四行第七字「已」，[資、磧、

- [普、南、徑、清]作「已默然而住」。
- 一 二頁上末行第四字「於」，[資]無。
- 一 二頁中二行第八字「功」，[資、磧、普、南、徑、清]作「功德」。
- 一 二頁中一四行第一〇字「于」，[石]作「乎」。
- 一 二頁中一九行第一一至一二字「目連」，[資、磧、普、南、徑、清]無。
- 一 二頁下一二行首字「乃」，[資、磧、普、南、徑、清]作「如何乃」。
- 一 二頁下一二行第一二字「力」，[資、磧、普、南、徑、清]作「力耶」。
- 一 二頁下一七行「一香象力十香象力等」，[南、徑、清]無。
- 一 二頁下二一行首字「婆」，[資、磧、普、南、徑、清]作「娑」。
- 一 二頁下二一行第六字「婆」，[資、磧、普、南、徑、清、麗]作「娑」。
- 一 三頁上八行末字「建」，[磧、普、南、徑、清]作「捷」，下至一〇行同。
- 一 三頁上一四行末字及一五行第四字「天」，[石、資、磧、普、南、徑、清

作「大天」。

一 三頁中一二行第三字「千」，**南**、

經、**清**作「百」，**麗**作「十」。

一 三頁中一二行第一一字「十」，**積**、

普作「十千」；**南**、**經**、**清**作「十百」；

麗作「十十」。

一 三頁中一三行第七字「百」，**南**、**經**、

清作「千」，下至一六行同。

一 三頁中一四行第一二字、一五行

第七字及一七行第一〇字「千」，

南、**經**、**清**作「百千」。

一 三頁中一八行第六字、二〇行第

一二字及二一行第九字「千」，**南**、

經作「百千」。

一 三頁中一九行第三字及末字「百」，

南、**經**作「千」。

一 三頁中二二行第七字及末行第五

字「百」，**南**、**經**作「萬」。

一 三頁下一行第二字「等」至二行第

一二字「力」，**南**、**經**無。

一 三頁下四行第一〇字「一」，諸本

無。

一 三頁下一〇行第一一字「却」，**資**、

積、**普**、**南**、**經**、**清**作「都」。

一 三頁下一一行第一〇字「踊」，**積**、

普、**南**、**經**、**清**作「涌」。

一 三頁下二二行第四字「甫」，**石**、**麗**

作「比」；**積**、**普**、**南**、**經**、**清**無。

一 四頁上一二行第六字「覺」，**資**、**積**、

普、**南**、**經**、**清**作「知」。

一 四頁上四行第五字「通」，**石**作「神

通」。

一 四頁上六行第一〇字「河」，**資**、

積、**普**、**南**、**經**、**清**無。

一 四頁上一一行第一二字「詣」，**石**

作「諸」。

一 四頁上一六行第八字「正」，**石**、

積、**普**、**南**、**經**、**清**作「整」。

一 四頁上末行第五字「念」，**石**、**資**、

積、**普**、**南**、**經**、**清**作「言」。

一 四頁中三行「修集」，**資**、**積**、**普**、

南、**經**、**清**作「修習」，下同。

一 四頁中四行第一〇字「當」，**資**、

積、**普**、**南**、**經**、**清**作「開」。

一 四頁中八行第六字「修」，**麗**作

「隨」。

一 四頁中一四行第四字「中」，**資**、

積、**普**、**南**、**經**、**清**無。

一 四頁中一七行第一一字「輪」，**石**

作「鐵」，下同。

一 五頁中一七行第二字「提」，**資**、

積、**普**、**南**、**經**、**清**作「提心」。

一 五頁下七行首字「集」，諸本無。

一 五頁下一八行第一三字「河」，**資**、

積、**普**、**南**、**經**、**清**無。

一 六頁上四行第四字「修」，諸本作

「修精進」。

一 六頁上七行第六字「諸」，**石**、**積**、

南、**經**、**清**、**麗**作「諸物」。

一 六頁上七行「悉受」，**麗**作「皆悉周

遍」。

一 六頁上八行第二字「心」，**資**、**積**、

普、**南**、**經**、**清**、**麗**作「慈心」。

一 六頁中一四行第一二字「入」，**資**、

積、**普**、**南**、**經**、**清**作「分」。

一 六頁中一五行第九字「學」，**資**作

「覺」。

一 六頁下一五行第五字「巧」，諸本作「善巧」。

一 六頁下一八行第五字「戒」，**資**、**磧**、**普**、**南**、**徑**、**清**作「成就」。

一 七頁上一行首字「解」，諸本作「懈」。

一 七頁上二二行第一三字「有」，**石**無。

一 七頁中一行末字「攝」，**資**、**磧**、**普**、**南**、**徑**、**清**、**麗**作「攝此」。

一 七頁中二行第一〇字「爲」，**資**、**磧**、**普**、**南**、**徑**、**清**無。

一 七頁中二行第一二字「所」，**資**、**磧**、**普**、**南**、**徑**、**清**、**麗**無。

一 七頁中三行第二字「想」，**麗**無。

一 七頁中五行第九字「體」，**磧**、**普**、**南**、**徑**、**清**作「體」。

一 七頁中一五行第一三字「說」，**石**、**徑**、**清**作「行」。

一 七頁下一行末字「一」，**磧**、**普**、**南**、**徑**、**清**無。

一 七頁下一二行第一一字「血」，諸本作「血」，下同。

一 八頁上一〇行第一〇字「知」，**資**、**磧**、**普**、**南**、**徑**、**清**作「智」。

一 八頁上一五行第四字「知」，**磧**作「如」。

一 八頁上二〇行末字「枝」，諸本作「莖」。

一 八頁中一五行第八字「住」，**資**、**磧**、**普**、**南**、**徑**、**清**作「主」，下至末行同。

一 八頁下一一行第六字、末字及一三行第八字「二」，**資**、**磧**、**普**、**南**、**徑**、**清**作「一」。

一 八頁下一五行第三字「施」，**資**作「施何等」；**磧**、**普**、**南**、**徑**、**清**作「施何等二」。

一 九頁上九行第九字「德」，諸本作「相」。

集一切福德三昧經卷中

姚秦三藏鳩摩羅什譯

莊

尔時佛告淨威力士善男子云何菩薩摩訶薩淨戒莊嚴謂戒淨无缺不捨學戒愍於毀禁極敬持戒淨身三業淨口四過淨意三業自成十善教他十善不自稱譽不起戒慢勤進修戒頭陀德中心不動轉住於聖種自護已心不見他過不作眾惡不願諸有亦不喜樂勸他修善勤營助他不怖望樂勸人布施不捨阿練若處為病給使作已歡喜如說如作失利不憂得利不高毀譽稱譏及與苦樂心不傾動斷除愛恚不懷忿嫌修行慈心視然如親不以戒自高不向餘乘不札餘天捨離諸見盖覆使纏斷除滅悔捨財无悔心生歡喜不生諸有心不願樂忍於疲苦善護進心遠離著心不驚怖畏無生法忍善男子菩薩摩訶薩為集此戒乃至失命終不毀犯不為王位護持禁戒不為生天不為帝釋不為梵王護持禁戒不為封邑不為自在不為妙色護持禁戒不為

集一切福德經卷中 第三分頌

端正不為名稱不為讚歎不為利養不為恭敬不為活命不為飲食不為卧具不為病藥護持禁戒不為眼色不為耳聲鼻舌香味身觸心法護持禁戒不依倚色不依受想行識護持禁戒不依欲界色界無色界護持禁戒不畏地獄餓鬼畜生不為救護護持禁戒不畏人道貧窮困苦護持禁戒不畏天道貧窮困苦護持禁戒不畏天龍夜叉鵝闍婆阿修羅緊那羅迦樓羅摩睺羅中貧苦惱故護持禁戒為佛種故護持禁戒為住聽法如聞而行護持禁戒為僧種故護持禁戒為欲出過生老病死憂悲苦惱故護持禁戒為欲解脫諸眾生故護持禁戒為安樂利益諸眾生故護持禁戒欲住佛法故護持禁戒欲轉法輪故護持禁戒為集聖種故護持禁戒為不斷佛法僧種故護持禁戒為妙神通故護持禁戒為戒定慧解脫解脫知見故護持禁戒為神足變化應現无方護持禁戒如是持戒不毀不缺不穿堅實無所作為具足成就精妙

集一切福德經卷中 第四分頌

無染清淨香潔智者所讚諸佛所歎如法修行堅固真實若菩薩成就如是持戒不失十法何等十法謂不失於轉輪王位既在是位不生放逸怖望欲得无上菩提願得見佛不失帝釋既得是處不生放逸怖望欲得无上菩提願得見佛不失梵王既在是處不生放逸怖望欲得无上菩提願得見佛淨信正真不失聞法如所聞法善能分別不失攝取菩薩智慧不失無斷无尋辯才不失集聚一切善根不失一切諸佛聲聞緣覺所讚不失疾能通達一切諸佛智慧若菩薩成就如是持戒不失此十法菩薩成就如是戒聚諸天常礼諸龍宗敬夜叉常供諸鵝闍婆亦常供養阿修羅敬侍諸王婆羅門長者居士皆尊重之智者常趣諸佛常念諸天世人常師事之常愍眾生若菩薩如是淨持戒聚不生四處除化眾生何等四不生邊地不生無佛國不生邪見家不生惡道菩薩如是淨持戒聚不生四處復次善男子菩薩如是淨持戒聚

不失四法何等四所謂不失菩提之心不失念佛不失聞法既聞法已乃至無量阿僧祇劫而不忘失是為菩薩淨持戒聚不失四法善男子若菩薩如是淨護戒聚不值四處不值法滅不值刀兵劫不值飢餓劫不值劫燒菩薩如是淨持戒聚不值是四復次善男子菩薩如是淨持戒聚得四勝法所謂不誑佛不誑諸天不誑眾生不誑自心菩薩如是淨持戒聚得四勝法復次善男子菩薩成就護持戒聚離十種畏何等十離地獄畏離畜生畏離餓鬼畏離貧窮畏離不稱讚畏離諸經畏離諸聲聞緣覺位畏離天龍夜叉乳闍婆阿修羅迦樓羅緊那羅摩睺羅伽拘辦茶羅刹等畏離魁膾刀杖火毒等畏離諸師子虎豹熊羆及多勒叉狐狼鱗地貓鼠百足毒蛇蛆蠅王賊等畏菩薩如是住淨戒聚離十種畏善男子菩薩持戒則能發起一切佛法乃至起於無上菩提何以故若有持戒便有三昧若有持戒便有智慧若有持戒便有解脫

若有持戒便有解脫知見善男子云何名戒戒者名為寂調結使以何緣故名為結使以染汙三有諸眾生故名為結使云何名寂无妄想無分別无起著永不思念一切諸法故名寂調一切結使善男子若菩薩摩訶薩不能如是知寂調結使是不名為戒聚清淨何以故若不能知寂調結使雖生梵世猶為結染乃至非想非非想處猶為結使善男子是故當知寂三界結名淨戒聚亦時淨威力士白佛言世尊若離三界諸結使染名淨戒聚世尊何故為菩薩時離三界結還生其中亦時世尊告淨威力士善男子菩薩摩訶薩不以自結生於三界以方便故同在三界無三界結化眾生故善男子假使人天能盡虛空現諸色像於意云何為希有不如是世尊如是善逝是人所作甚為希有佛言善男子菩薩捨離一切結使處在三界現三乘化是乃希有淨威力士言世尊是菩薩成就住解脫門憐愍眾生還住三界世尊譬如有人從魁

膾所得全身命既得脫已復還其所而語之言汝今殺我莫然餘人世尊是三界者如魁膾舍一切眾生喻應死者生死諸行猶如魁膾從得脫者猶如菩薩脫三界已為化眾生為脫眾生還住三界世尊是菩薩大悲諸聲聞緣覺所不能及何以故聲聞緣覺元是大悲無善方便无淨戒莊嚴世尊復告淨威力士善男子云何菩薩摩訶薩善能修集多聞莊嚴求學多聞善男子菩薩摩訶薩於諸和阿闍梨所恭敬供養尊重讚歎隨教而行除捨憍慢速受教誨於正法中生起樂想於和阿闍梨所生起佛想於自身所起病人想於說法者起明醫想為集佛法不受身命於諸財物衣鉢之餘起惱結想雖具封祿不生愛著為重法故一切悉捨為護正法應捨一切世間珍寶為得法故應捨一切名譽讚歎為得法王捨諸王位為捨一切諸結使故應當勤修集法相應為救一切諸眾生故應當勤修集法相應菩薩摩訶薩修集諸法

者一切善根集一切福德經卷中 第七法 報自然得是故善男子
 菩薩摩訶薩欲成菩提欲堅立智柱
 應修多聞善男子如帝釋堂因柱得
 住三十三天在中歡樂如是善男子由
 菩薩智柱一切諸天人志蒙受樂善
 男子若有菩薩發菩提心菩提所攝
 言欲作佛於多聞中而不勤修諸眾
 生中取為無智是故善男子菩薩摩
 訶薩應勤精進修集多聞諸眾生中
 為多聞柱是時諸天歡喜踊躍是善
 丈夫堅牢精進修集智慧必能獲得
 於佛十力是善丈夫當以慧力斷諸
 結網是善丈夫當演說法斷於一切
 眾生結使是善丈夫當往至彼菩提
 樹下諸佛坐處是善丈夫當以自力
 降一切魔是善丈夫當轉十二行相
 法輪善男子若有菩薩修多聞時一
 切魔宮皆悉闍蔽三千大千世界魔
 王皆悉憂惱作如是言是人今者勝
 過我等其餘魔天各作是言是人降
 伏於我等主我等一切悉屬是人何
 以故善男子由是菩薩集多聞慧能
 寂結使以无結使魔不得便已有多

聞則能分別既能分別則能修行已
 能修行魔不得便修多聞者遠離邪
 見得住正見已能正住魔不得便則能
 正修已能正修能分別義離諸非義便
 能正度義及非義善男子以是緣故應
 如是知善男子菩薩修集是多聞時
 除四種魔所謂陰魔煩惱魔死魔天
 魔善男子如本菩薩集多聞時欲法
 利法善住於法我今少說善男子乃
 往過世阿僧祇劫無量无边不可思
 議尔時有大仙人名曰取勝住山林
 中具五神通常行慈心作如是念我
 今山中修行慈心无所利益不但慈
 心能滅眾生無量劫中所集煩惱非
 此慈心能起正見復作是念因於何
 事能起正見作是念言有二因緣能
 起正見謂從他聞聞已正思以是二
 法能生正見是時便生求多聞心當
 從何處得聞善說為法因緣集法相
 應尔時仙人至諸聚落封邑郡縣王
 城處處推求多聞了不能得說法之
 師時魔天子來至其所作如是言我
 今有佛所說一偈是取勝仙聞佛偈

名即語之言為我演說時天報言汝
 今若能剥皮為紙以血為墨拈骨為
 筆書寫此偈乃當相與佛所說偈善
 男子時取勝仙作是念言今我此身
 無量生死在在生處賊兵魁膾百千
 劫中常以无事墮在彼手利刀割截
 分解支節或為欲故或財利故煞縛
 捶打繫閉可罵受無量苦都无利益
 唐受割截我今當以此不堅身易得
 妙法歡喜踊躍我得大利聞是法語
 於此天所生師宗想即以利刀自剥
 身皮乾以為紙復刺出血用以為墨
 復拈其骨削以為筆合掌向天而作
 是言天為我說佛所得偈如先所勅
 剥皮為紙出血為墨拈骨為筆我悉
 作已善男子時魔天子見取勝仙恭
 敬為法見已愁悴即便隱去善男子
 時取勝仙見天没已作如是念我今
 為法生恭敬心剥皮為紙拈骨為筆
 我今如此恭敬求法而是善根終不
 敗亡若我此言誠實不虛起慈悲心
 為諸眾生不惜身命剥皮為紙出血
 為墨拈骨為筆若我至心誠實不虛

餘方世界大慈大悲能說法者當現
我前善男子取勝大仙作是語時一
念之頃東方去此佛土三十二佛刹
彼有國土名普无垢是中有佛号淨
名王如来應供正遍覺今者現在知
寂勝仙心念所作亦欲教化是閻浮
提諸衆生故辟如壯士屈申臂頃乘
空而來到是取勝仙人前住及五百
菩薩是淨名王如来放大光明遍照
彼林天雨衆花時彼樹林枝葉花果
皆出法音尔時无量百千万億諸天
來集是時彼仙得淨名王佛光觸身
已苦痛悉除還復如故無有瘡癩尔
時彼仙頭面敬礼佛世尊足右遠三
匝合掌頂上白淨名王佛而作是言
世尊是我師善逝是我師世尊我今
歸依佛歸依法歸依僧惟願世尊為
我說法我聞法已不信衆生行邪見
者壞正見者行黑闇者導示正故而
為說法善男子尔時淨名王佛因寂
勝仙及諸天子諸菩薩等為其演說
此集一切福德三昧法彼天衆中八
千天子本種善根皆發无上正真道

心寂勝大仙得大喜悅生於大信得
无昇辯彼佛如来復為演說八金剛
句何等八一切諸法性本淨句一切
諸法離結使故一切法無漏句盡諸
漏故一切法離巢窟句過巢窟故一
切法无門句無有二故一切法普遍
句示解脫門故一切法无去句無去
處故一切法无來句斷諸來故一切
法三世等句去來現在無二相故彼
淨名王佛演說如是八金剛句是中
開解一切法義復更演說餘八法門
令菩薩摩訶薩疾成就智何等八謂
一切法名字門以名分別一切法故
一切法音聲門以言分別令歡喜故
一切法共要門一切諸法決定相故
一切法言說門虛妄自在故一切法
自相門離他相故一切法畢竟盡
門無所有故一切法分別門從分別
有故一切法平等門等一味故寂勝
是名八法門疾成就智寂勝復有八
字種子門能成就於无盡辯才何等
八一切法阿字種子門示法無生故
一切法地字種子門示第一義法故

一切法那字種子門示字名色故一
切法遮字種子門示現一切法調伏
故一切法婆字種子門示一切法入
平等故一切法多字種子門示如不
壞故一切法迦字種子門滅苦業故
一切法摩字種子門究竟成就斷一
切法故是名八字種子門能成就於
无盡辯才是故寂勝是八字種子門
門八法句門八金剛句門正念修行
常離憤內恒善思惟觀察修集功德
之利善男子淨名王如来說是法已
放大光明遍照世界震動大地即没
不現與諸菩薩還至彼土彼諸衆生
都不覺知佛來去時善男子尔時寂
勝大仙成就聖辯諸天侍衛諸天守
護為降魔故至諸聚落諸城國邑為
諸衆生廣敷演說此集一切福德三
昧滿于千歲常演說法令八万四千
衆生住聲聞乘八万四千衆生住緣
覺乘八万四千衆生住於大乘八万
四千衆生作轉輪王八万四千衆生
作釋提桓因八万四千衆生得作梵
王八万四千衆生修行於慈八万四

千衆生集一切福德經卷中 第十三條修行於悲八万四千衆生修行於喜八万四千衆生修行於捨无量衆生得生天上是取勝大仙後乃命終即往生彼淨名王佛普無垢土及八万四千天子亦生彼土善男子於意云何今時取勝仙者豈異人乎汝勿有疑即我身是我本如是欲法敬法說誠實言便能敬感彼淨名王佛來至我所是以當知若有菩薩恭敬求法則於其人佛不沮睭法亦不滅何以故淨威若有菩薩專志成就求正法者雖在異土常面覩佛得聞正法淨威若菩薩摩訶薩欲法敬法令諸山巖樹木林藪出諸法藏陀羅尼門及諸經卷自來在手淨威諸有菩薩敬法欲法若有諸天曾見佛者來至其所從於佛所得聞諸法具為演說淨威利法菩薩若其壽盡諸佛世尊增益其壽佛力持故欲住千歲即便能住二千三千四千五千乃至一劫若減一劫隨意得住淨威若有菩薩敬法欲法不老不病得憶念力進趣智慧得於辯才若有菩薩敬法

欲法得見佛已捨離諸見趣入正見集一切福德經卷中 第十四條淨威若有菩薩敬法欲法一切衆生無能侵言是故淨威是大衆生應當勤修多聞莊嚴所獲功德復過於淨威若有菩薩住是三福莊嚴福柱廣福增福無盡福不思議無有能得是福邊者淨威可以一毛數大海滂無有能盡是菩薩莊嚴福聚淨戒多聞慧聚得其邊者淨威能稱三千大千世界草木山林及諸衆生得其輕重不能稱量如是菩薩莊嚴福戒多聞慧聚得其邊者是名解說智莊嚴已今時淨威力士白佛言世尊布施莊嚴淨戒莊嚴多聞莊嚴是三莊嚴何者為取何者為勝佛言淨威三莊嚴中多聞莊嚴取可稱歎取勝尊上無上無上善男子如須弥邊著一芥子而是施福及淨戒聚亦復如是猶如芥子多聞莊嚴如須弥山善男子如一小鳥所住虚空施戒莊嚴亦復如是多聞莊嚴如餘虚空善男子布施莊嚴能作二事何等二能除貧窮成大封祿淨戒莊嚴亦作二事何等

二一離惡道二至善處善男子多聞莊嚴亦作二事何等二謂能除去一切諸見能集一切智慧莊嚴善男子布施莊嚴是有漏報淨戒莊嚴亦有漏報善男子多聞莊嚴無漏報是故善男子菩薩摩訶薩應勤精進修多聞慧說是施福淨戒多聞莊嚴法時三千衆生本種善根便發無上正真道心五千天子於諸法中遠離塵垢得法眼淨淨威力士得无生法忍今時淨威力士白佛言世尊菩薩摩訶薩成就幾法疾能獲得無生法忍佛言善男子菩薩成就四法疾能獲得无生法忍何等四謂解知身猶如鏡像解知言說猶如響聲解知如幻解諸法無二淨威當知菩薩成就是四法者疾能獲得无生法忍復次善男子菩薩摩訶薩成就四法疾能獲得無生法忍何等四謂慈悲普覆遍一切衆生无衆生想解諸法空不見所解觀見佛淨不以肉眼住於慧眼善分別心而不見心不依倚心善男子菩薩成就是四法者疾能獲得無生

法忍復次善男子菩薩成就四法疾能獲得無生法忍何等四所謂不捨一切衆生捨離諸見護持淨戒寂一切結善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四謂有忍力法轉增勝勤行精進解法寂靜善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四所謂得禪而不依禪以慧分別無有戲論成就方便攝取衆生增長諸行善知諸行善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四謂以大慈救諸衆生謂以大悲不厭生死謂以大喜欣樂於法謂以大捨斷一切愛善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四謂得三解脫門解知三世超過三界信法性无生善男子菩薩成就四法者疾能獲得

元生法忍演說如是諸四法時淨威力士得無生法忍歡喜踊躍上昇虛空高七多羅樹忉時三千大千世界六種震動人天伎樂同時俱作天雨花雲大光普照遍此世界忉時世尊即便微笑諸佛常法若微笑時若干百千青黃赤白紅紫等光從面門出遍照无量無邊世界上過梵世還遠身三匝從頂相入時大德阿難即從坐起整衣服偏袒右肩右膝著地合掌向佛白言世尊佛不妄笑今者世尊何緣而笑說偈問曰

得无上智無垢眼 諸根寂靜到彼岸
大光須弥金山色 導師以何因緣笑
善知衆生諸根行 淨慧相應知三世
得於無想寂上智 面如滿月說笑綠
如過去佛及未來 現在諸佛尊亦尔
種種真實清淨行 善知一切如實義
其身普遍諸佛界 音聲亦滿諸佛界
慈心普遍諸衆生 願說誰與智相應
自在知法如水月 如幻化相亦如夢
如空如電清淨法 今人師子何緣笑
解空無相无願法 善知實性常調心

如風遊行虛空中 惟願演說何緣笑
今佛智慧知誰心 誰應道樹下降魔
誰當坐於金剛座 人仙今者何緣笑
非是聲聞之境界 亦非緣覺之所及
是佛大海智境界 願說所為之因緣
忉時佛告阿難汝今見是淨威力士住虛空不阿難是淨威力士過三百億阿僧祇劫當得作佛号多莊嚴王出現於世如來應供正遍覺明行足善逝世間解无上士調御丈夫天人師佛世尊於此東方國名嚴淨劫名梵歎阿難當知是多莊嚴王佛嚴淨國中當得成佛其土豐樂安隱熾盛是諸人衆所受用物如兜率天是莊嚴王佛不說餘法惟菩薩乘乃无聲聞緣覺乘名純菩薩僧皆得法忍無諸八難无有魔怨及諸外道彼佛壽命無有限量琉璃為地閻浮那提金花以間錯之忉時淨威力士從空而下頂礼佛足合掌向佛求索出家佛即聽許忉時那羅延菩薩白言世尊未曾有也善逝未曾有也乃能以是勝妙善法善調衆生乃至能令如是

其一切功德經卷中 第七段

憍慢競勝衆生是等當見佛如來時
即得歡喜除捨憍慢禮如來足如此
淨威大慢力士除捨慢已得勝上法
復當調伏無量衆生除捨憍慢世尊
是淨威力士為曾供養幾佛世尊種
諸善根乃能如是速疾開解今時佛
告那羅延菩薩那羅延是淨威力士
曾於過世供養六十二億諸佛種諸
善根從今已後當復值遇無量無邊
阿僧祇佛恭敬供養尊重讚歎淨修
梵行那羅延言世尊是淨威力士復
以何緣懷大憍慢求佛競勝佛告那
羅延菩薩摩訶薩有四法忘菩提心
何等四謂增上慢不敬重法輕善知
識說不實語那羅延菩薩有此四法
忘菩提心那羅延菩薩摩訶薩復有
四法忘菩提心所謂讚歎趣向聲聞
緣覺乘者呵向大乘毀訾菩薩愆惜
於法那羅延菩薩有是四法忘菩提
心那羅延菩薩復有四法忘菩提心
何等四於諸衆生行幻惑術詐偽親
近於善知識合偶言說為利養故那
羅延菩薩有是四法忘菩提心那羅

其一切功德經卷中 第五段

延菩薩復有四法忘菩提心何等四
不覺魔事不除業障志意羸弱无方
便慧那羅延菩薩有是四法忘菩提
心那羅延是淨威力士本造惡業忘
菩提心我今當說汝善聽之乃往過
世此賢劫中有佛出世号迦迦孫是
佛法中有大婆羅門名曰善財起大
憍慢得增上慢不往佛所憍慢增上
與說王法諸婆羅門而共諍競是憍
慢故獲得現報退失多事謂不見佛
不聞正法亦不得聞趣向菩薩大乘
之法亦不得聞諸天淨法亦不得聞
功德善根迴向菩提而不堅固為此
五惡法遮持故離菩提心那羅延於
意云何今時善財婆羅門者豈異人
乎汝勿有疑即今淨威力士是也以
憍慢故忘菩提心以菩提心本善根
故不墮惡道雖成大力猶有憍慢佛
力所持得聞佛力及菩薩力捨離
傲慢將來見佛不作衆惡因本善根
今現發起速疾得是无生法忍今時
那羅延菩薩語淨威力士汝住何法
得無生忍而受記別淨威答言我以

其一切功德經卷中

生起諸凡夫法得受記別那羅延言
云何而生淨威答言生如不生如是
生滅如不滅如是滅如是而生亦復不
住那羅延言善男子若其舍者佛法
凡夫法有何老別淨威答言以文字
故有老別耳若以其義則无老別那
羅延言是凡夫法有何義也淨威答言
無妄想无分別是凡夫法義那羅延
言是義何趣淨威答言而是義者離
凡夫法趣於佛法那羅延言佛法有
何義淨威答言不作二是佛法義那
羅延言善男子如佛所說依法不依
人又復說言有二因緣起於正見何
等為二因外言聲内善思惟如是之
義即是文字淨威答言那羅延依法
菩薩不取文字不取非文字若得文
字是即為義而是義者是不得義是
故不依於義一切諸法都无有義何
以故一切諸法不可得故非方不離
方隨所住處即處自滅如佛所說畢
竟滅想是名為義是故那羅延依義
者無法可依无不可依若依非依是
名為義那羅延言善男子頗有依義

即是依於一切法也淨威言有那羅延一切法空一切法寂一切法空依亦如是一切法寂依亦如是如是那羅延若依是義即依諸法那羅延言淨威若如是者一切諸法常自是依淨威若言如是如是那羅延一切諸法皆第一義依第一義者彼得安樂彼應當求於第一義若能不起法及非法不來二不求不二是名為聖分別選擇而是選擇無作无不作若無作无不作是名為作所求者義不相違淨威力士說是法時五百比丘不受諸法漏盡心得解脫八千天子遠離塵垢得法眼淨尔時那羅延菩薩語淨威力士如佛所說依義不依文然此衆生不解是義行於二行是不解文亦不解義為是不解故說依義不依於文依文依義是義出過於諸文字善男子如佛所說有二因緣能生正見謂彼有人不聞正法調伏法中以少緣故便生歡喜言我出生死彼是增上慢本是增上慢為勸是人令勤修行彼聞法已即便修行趣於正

道是故

佛說聞已得知法聞已不作惡聞已離无利聞已得涅槃那羅延言云何比丘念法相應淨威若言無相應无不相應若能如是念法相應那羅延言彼修行者是語相應復次那羅延若有比丘與念法相應則不起瞋不起憍慢是名正思惟若有觀察說法去來現在若解所說為斷故說為解故說為修故說不得過去世之所作不得未來世之所作不得現在世之所作是正修行若正觀一切法性常滅是名正修思惟所見若見一切法性常寂是名修正思惟所見若正觀一切法性常定是名修正思惟所見若正觀諸法畢竟不生是名修正思惟所見若正觀一切法實無常是名修正思惟所見若正觀一切法无常滅是名修正思惟所見若彼見者及以所見都不可見如如見如不見如是名為說示思惟是時世尊讚淨威力士善哉善哉善男子汝之所說如是相應若能如是則於諸法无有愚癡如是

修行則無有障正修行者无縛無解何以故正思惟者於一切法无斷無趣若如是者名為正見見一切法如是正見云何正見謂不見法所言見者是說無生不實之言語不實者說无生名如我所說諸法無生以慧初見若至正位名為正見若如是見名至正位以何因緣名為正位我與無我二俱平等如无我等諸法等起是名正位

集一切福德經卷中

癸卯歲高麗國大歲都監奉勅彫

集一切福德三昧經卷中

校勘記

- 一 底本，麗藏本。
- 一 一二頁上七行第五字「自」，**資**作「目」。
- 一 一二頁上一三行末字至一四行第一四字「不傾動斷除愛恚不懷怨嫌修行慈心」，**石**無。
- 一 一二頁上一四行末字至一五行第二字「視怨如」，**資**、**磧**、**普**、**南**、**徑**、**清**作「等視怨」。
- 一 一二頁上一六行「餘天」，**石**作「拜天祠」。
- 一 一二頁上一六行第七字「蓋」，**資**作「善」。
- 一 一二頁上一八行第六字「苦」，**石**作「倦」。
- 一 一二頁上一〇行第四字「集」，**磧**、**普**、**南**、**徑**、**清**作「習」。
- 一 一二頁上一〇行第一一字「終」，**石**作「終不缺」。
- 一 一二頁中一〇行第二字「天」，**資**、**磧**、**普**、**南**、**徑**、**清**無。
- 一 一二頁中一一行第六字「中」，**資**、**磧**、**普**、**南**、**徑**、**清**作「伽」。
- 一 一二頁下六行第三字「得」，諸本作「在」。
- 一 一二頁下一六行第二字「常」，**石**作「當」。
- 一 一三頁上九行第三字「所」，**資**、**磧**、**普**、**南**、**徑**、**清**無。
- 一 一三頁上一二行第九字「十」，**磧**、**普**、**南**、**徑**、**清**作「爲十」。
- 一 一三頁上一六行第七字「伽」，**資**、**磧**、**普**、**南**、**徑**、**清**無。
- 一 一三頁上一六行第九字「辦」，**石**作「辯」。
- 一 一三頁上一七行第二字「膾」，**資**作「膾」，下同。
- 一 一三頁上一九行第四字「蠟」，**磧**、**普**、**南**、**徑**、**清**作「蟹」。
- 一 一三頁中三行第三字「爲」，**資**無。
- 一 一三頁中七行第二字「能」，**資**無。
- 一 一三頁中八行「結使」，**資**作「使結」，下同。
- 一 一三頁中二〇行第一〇字「切」，**石**、**磧**、**普**、**南**、**徑**、**清**作「切諸」。
- 一 一三頁中二一行第六字「化」，**石**、**磧**、**普**、**南**、**徑**、**清**作「教化」。
- 一 一三頁下一〇行「修集」，**資**、**磧**、**普**、**南**、**徑**、**清**作「修習」，下同。
- 一 一三頁下一三行首字「而」，**石**、**磧**、**普**、**南**、**徑**、**清**作「誨」。
- 一 一三頁下一四行第三字「藥」，**石**作「樂」。
- 一 一三頁下一九行第一三字「故」，**資**、**磧**、**普**、**南**、**徑**、**清**作「樂」。
- 一 一四頁上五行「諸天世」，**資**、**磧**、**普**、**南**、**徑**、**清**作「天」。
- 一 一四頁上七行第一三字至八行第二字「諸衆生中」，**資**、**磧**、**普**、**南**、**徑**、**清**作「於諸衆生」。
- 一 一四頁中五行第一三字「緣」，**資**、**磧**、**普**、**南**、**徑**、**清**作「因緣」。
- 一 一四頁中八行第九字「集」，**磧**、

〔普、南、經、清〕作「習」。

一 一四頁中一〇行第二字「過」，〔石〕作「過去」。

一 一四頁中一行第一字「勝」，〔資、磧、普、南、經、清〕作「勝仙」。

一 一四頁中一四行末字「非」，〔資、磧、普、南、經、清〕作「生」。

一 一四頁下二行第九字「血」，諸本作「血」，下同。

一 一四頁下五行第七字「生」，〔資、磧、普、南、經、清〕作「處」。

一 一四頁下一二行第三字「乾」，〔石〕作「汗」。

一 一四頁下二〇行第八字「法」，〔資〕作「佛法」。

一 一五頁上九行第五字「名」，〔經〕作「明」。

一 一五頁上一〇行第三字「天」，〔石〕作「大」。

一 一五頁中一六行第八字「妄」，〔資〕作「弄」。

一 一五頁中末行第四字「蛇」，〔資、

磧、普、南、經、清〕作「闇」。

一 一五頁下一五行第九字「天」，〔資、磧、普、南、經、清〕作「天子」。

一 一六頁上八行第六字「言」，〔資、磧、普、南、經、清〕作「語」。

一 一六頁上八行第九字「敬」，〔石〕作「敬信」；〔資、磧、普、南、經、清〕無。

一 一六頁中一二行第一〇字「說」，〔經、清〕作「脫」。

一 一六頁中一六行第六字「最」，〔石〕作「最為不」。

一 一六頁中二〇行第七字「虛」，〔資、磧、普、南、經、清〕作「處」。

一 一六頁中二二行第一〇字「二」，〔資、磧、普、南、經、清〕作「為二」。

一 一六頁下一行第五字「道」，〔石〕作「道中」。

一 一六頁下一五行第一一字「解」，〔石〕作「解知」。

一 一六頁下一九行第一一字「悲」，〔資、磧、普、南、經、清〕無。

一 一六頁下一九行第一三字「覆」，

〔資〕無。

一 一七頁上四行第一〇字「是」，〔資、磧、普、南、經、清〕無。

一 一七頁上七行首字「四」，〔資、磧、普、南、經、清〕作「為四」。

一 一七頁中末行第九字「知」，〔經、清〕作「性」。

一 一七頁下二二行第四字「也」，〔資、磧、普、南、經、清〕作「耶」，下同。

一 一八頁上四行第二字「當」，〔資、磧、普、南、經、清〕作「能」。

一 一八頁中九行第三字「王」，〔經、清〕作「五」。

一 一八頁中一二行第九字「淨」，〔資、磧、普、南、經、清〕作「請」。

一 一八頁中二〇行第三字「將」，〔資、普、南、經、清〕作「得」。

一 一八頁中末行「記別」，〔磧、普、南、經、清〕作「記蒞」，下同。

一 一八頁下三行第一四字「復」，〔磧〕作「傷」。

一 一八頁下一七行第一一字「不」，

石作「名」。

一 一八頁下二一行第三字「想」，**資**、**磧**、**普**、**南**、**徑**、**清**作「相」。

一 一九頁上一〇行第一二字「無」，**磧**、**普**、**南**、**徑**、**清**無。

一 一九頁上一一行第九字「求」，**石**無。

一 一九頁中二行第三字「聞」至三行第七字「槃」，**資**、**磧**、**普**、**南**、**徑**、**清**作五字一句的偈頌。

一 一九頁中二二行第七字「汝」，**石**作「言汝」。

一 一九頁下一一行第六字「經」，**資**、**磧**、**普**、**南**、**徑**、**清**作「三昧經」。



集一切福德三昧經卷下

新字

姚秦三藏鳩摩羅什譯

今時那羅延菩薩即白佛言希有世
 尊希有善逝諸法如是性常寂滅菩
 薩摩訶薩能聽是法能知是法能信
 是法不中涅槃佛告那羅延菩薩方
 便力能如是若菩薩成就善方便者
 於念念中能得四法何等四謂大慈
 大悲知一切智佛出於世不斷法種
 如是四法修行諸法知衆生界是正
 位相知一切法性常寂滅聞知信解
 不中涅槃是名調伏法知利衆生知
 已而見乃至不見何以故不捨一切
 諸衆生故今時淨威士白言世尊
 菩薩摩訶薩如是佛所說不墮正位
 佛言善男子是菩薩摩訶薩不作諸
 見然事無不辦聲聞之人不緣一切
 衆生不緣佛種不緣法種不緣大乘
 捨一切智不觀一切智不願一切智
 滅有爲法入聲聞位菩薩摩訶薩緣
 一切衆生緣不斷三寶種緣於大乘
 觀一切智不觀於命知諸法一相不

集一切福德經卷下 第二張 新字

入正位緣諸衆生遊戲諸禪不墮聲聞
 位善男子是故當知菩薩摩訶薩常
 恒無我不墮正位今時淨威士白
 佛言希有世尊希有善逝菩薩所行
 一切聲聞緣覺之人所不能及今時
 文殊師利法王子在會而坐那羅延
 菩薩白佛言世尊是文殊師利法王
 之子在此會坐乃能於是集一切福
 德三昧而無所說今時文殊師利語
 那羅延菩薩言善男子菩薩摩訶薩
 不爲福德故修行菩提菩薩不爲利
 養名稱不爲生天不爲封邑不爲眷
 屬不爲讚歎不爲自樂修行菩提那
 羅延言文殊師利菩薩以何而行菩
 提文殊師利言善男子菩薩爲悲諸
 衆生故修行菩提爲於法故爲履一
 切衆生苦故爲斷不實諸煩惱故忍
 自苦故無所爲故修行菩提不惜身
 命觀知无主無宰无居無相无思無
 轉無壞無遷流轉無侵毀害勇健無
 降無知解無懶墮無怖無畏無驚無
 恐無高無下無諂曲堅住不動樂寂
 獨一一道一趣住於一道修行一道

集一切相德經卷下 第三張 賴字号

為度一切諸衆生故為如是利故菩薩摩訶薩修行菩提又問文殊師利菩薩云何修行菩提文殊師利言善男子菩薩摩訶薩無生無滅非無生滅行畢竟滅無有餘生無所言說菩薩如是修行菩提復次那羅延菩薩知過心已滅無所能行未來心未至無所能行現心不住無所能行不着去來現在之心菩薩摩訶薩能如是行名修行菩提復次那羅延菩薩若知施及菩提衆生如來等無二行持戒菩提衆生如來等無二行忍辱菩提衆生如來等無二行精進菩提衆生如來等無二行禪定菩提衆生如來等無二行智慧菩提衆生如來等無二行菩薩如是行六波羅蜜則不壞敗行之性相菩薩如是修行菩提復次那羅延菩薩觀色空無有行如觀色空觀受想行識空無有行色空無盡色畢竟盡以其空故受想行識識空無盡識畢竟盡以其空故如其性盡一切法盡色無盡受想行識無盡若有菩薩如是行者是名為修菩提

集一切相德經卷下 第四張

之行復次那羅延菩薩勤斷凡夫法行不生佛法行不出生死行不滿涅槃行不見一切不善法成不集善法不異處觀如是解知不壞行性是菩提行那羅延菩薩如是行是名為修菩提之行復次那羅延菩薩摩訶薩解衆生界无量法界無量衆生界法界无盡滅行何以故衆生界法界無有二故無有二作无有二相不增不減法界不增衆生界不減衆生界如法界相衆生界相亦復如是又菩薩解知諸法无相不盡法界行不盡衆生界行不盡法界行不增法界行不盡衆生界行不增衆生界行亦不住餘妄想顛倒所起結使如是正觀善知諸行不壞諸有行不壞我衆生壽命行那羅延菩薩如是行名修菩提行文殊師利法王子演說如是諸行法時十六天子先向大乘今者逮得無生法忍尔時淨威力士為欲供養守護是經便作是言世尊若有衆生信解是經當得一切諸善吉利尔時離魔菩薩語文殊師利我亦欲說菩

集一切相德經卷下 第五張

薩所行文殊師利言善男子今正是時汝可演說離魔菩薩言文殊師利行一切法行是菩薩行行一切魔行是菩薩行行一切衆生行是菩薩行若行學行無學行是菩薩行行緣覺行是菩薩行何以故菩薩摩訶薩應遊學故尔時那羅延菩薩問離魔天子云何菩薩學行一切諸衆生行天子答言那羅延菩薩應學八万四千行何等八万四千行謂二万一千是貪欲行二万一千是瞋恚行二万一千是愚癡行是諸行行於貪欲斷離貪欲行於瞋恚斷離瞋恚行於愚癡斷離愚癡行於等分斷離等分行菩薩行一切衆生行不染衆生行現行一切諸衆生行為化衆生故是名菩薩行菩提行那羅延言天子云何一切魔行是菩薩行天子言一切魔行入菩薩心菩薩應覺隨所起魔業而不隨之不為魔行之所繫縛入一切行而修行之應示魔天令不得便當教化魔離於魔業那羅延言天子云何

學聲聞緣覺行是菩薩行天子言善男子如是一切行是實性行是无報行是无住行是无趣行是无生行解知自行菩薩應當知是修行離魔天子如是說已語文殊師利法王子善男子汝今復說如是之行文殊師利言天子菩薩所行過諸境界何以故此行非是眼境界數亦非色聲香味觸法境界之數天子是故當知是善丈夫所行諸行過諸境界復次天子若菩薩摩訶薩如是修行則是諸佛之所許可無有過咎若如是行是名菩薩修行正行天子言文殊師利菩薩云何修行諸佛所許可行文殊師利言天子一切諸法實際自空如來如是而覺知之若菩薩住如是法行佛所許可若乃至涅槃生見者行則誑諸佛天子一切諸法實際无相如來世尊如是覺知若有菩薩為諸法作相與相俱住則誑諸佛一切諸法實際无願如來世尊如是覺知無行無實无生無起无所有無形无相亦非無相无來無去无住本性清淨本

性明了其性常滅一切諸法猶如虛空如來世尊如是覺知若是菩薩於諸法性若有少得則誑如來應正遍覺天子若是菩薩共空俱住生於見者是菩薩共無相俱住生於見者若是菩薩共无願俱住生於見者則誑諸佛若是菩薩出過三界知一切法無實无生無起无有無形无相無來无去無住本性清淨本性照明本性常滅同如虛空本性無垢若如是知是名菩薩不誑諸佛尔時世尊讚文殊師利善哉善哉文殊師利快說此語若是菩薩如是修行名菩提行疾得受記文殊師利我昔過於然燈佛前所住諸行都不得記何以故我有相行有所依行有所著行我於是後見然燈佛得過諸行當初見時離諸行見知一切法自性不生時然燈佛授我記言汝於是後當得作佛号釋迦牟尼如來應正遍覺我於是時得無生忍是故文殊師利若有菩薩欲速疾得无生法忍於是品中應如是修不著諸法尔時文殊師利白言

世尊菩薩摩訶薩為緣何法得無生忍佛言文殊師利緣陰界入得无生忍彼得一切諸法之忍亦復緣於常樂我淨彼得法忍文殊師利所言忍者名緣一切諸法無盡所言忍忍者名為正文殊師利忍之所緣非與世法而共俱行凡夫法非學法非无學法非緣覺法非菩薩法非佛法而共俱行不與一切諸法俱行名為得忍捨於一切諸法想著名之為忍是忍亦不在於眼色耳聲鼻舌香味身觸意法數中無盡不盡名之為忍是忍亦復不離是界是名為忍說是忍時有五百菩薩本先佛所種諸善根得无生忍作如是言此集一切福德三昧能令我等住於所住亦令我等滿無量法世尊菩薩摩訶薩應至心聽甚深諸法應當修集尔時那羅延菩薩問文殊師利云何菩薩於是深法所作已辦文殊師利言若有菩薩知一切法无作無不作是名菩薩所作已辦若知一切諸法无行作已不執不作無忘是名菩薩所作已辦若是菩

菩薩隨所作无因是名知恩有為無為
不生高下不得作者亦有所作謂作
布施住於迴向亦不得施不得菩提
不得自他是名菩薩所作已辦守護
淨戒迴向菩提亦不得戒修行忍進
禪定智慧亦不得慧是名菩薩所作
已辦若不得身口意善業知是菩薩
所作已辦若不得身不得口意所集
莊嚴知是菩薩所作已辦亦時常精
進菩薩語文殊師利我亦欲說菩薩
摩訶薩所作已辦文殊師利言善男
子今正是時汝便可說常精進菩薩
語文殊師利言若菩薩能令一切衆生
入佛法中如是菩薩所作已辦若有
菩薩受衆生食若施與他不以畏故
皆志攝在無上菩提是名菩薩福田
清淨若彼施者及與受者如法而作
是名菩薩二俱清淨若是菩薩以佛
以音聲令他得聞自住施戒忍進禪
慧作正憶念於大衆中說六波羅蜜
令他得聞憶念受持如此善根知是
菩薩所作已辦能消供養若是菩薩
修行忍辱若為怨賊旃陀羅等之所

罵辱不瞋不惱為是衆生令生信喜
勤修精進住精進力知是菩薩所作
已辦若是菩薩以真金寶滿四天下
不貪是寶而作妄語若他問法不相
朋黨說言非法知是菩薩所作已辦
若有菩薩七日絕食若有人來作如
是言汝若能捨菩提之心煞諸衆生
當與汝食而是菩薩終不為之知是
菩薩所作已辦復次文殊師利若是
菩薩見滿世界利刀猛火當從中過
而往聽法不愛身命作如是學念陰
入界易得佛難可遇法難可聞敬法
衆生甚亦難得作是念已入衆聽法
知是菩薩所作已辦復次文殊師利
若是菩薩從他人聞一四句偈若戒
若施心生歡喜勝得轉輪位大王位
若以此偈令一人聞勝得帝釋及梵
王處知是菩薩所作已辦復次文殊
師利若是菩薩能住衆中在多聞中
生大喜悅以此多聞向一切智不得
滿三千大千世界珍寶生大歡喜以
自善根為一衆生迴向佛道用為欣
慶知是菩薩所作已辦復次文殊師

利菩薩為化諸衆生故應勤精進堅
自莊嚴修集多聞捨身支節於世八
法其心無異若是菩薩為佛慧故寧
捨身命不捨持戒菩薩應當作於忍
辱能忍諸惡不善音聲菩薩應當勤
加精進莊嚴佛土菩薩應當獨一寂
處為不敗失菩提道故菩薩應當不
失正念為修集六波羅蜜故菩薩應
當无所執著勸進戒滿已作善業不
捨一切諸衆生故菩薩應當堅誓莊
嚴為佛法種故菩薩應當離諸諂偽
身口意法善質直故菩薩應淨自淨
志欲為救歸依諸衆生故菩薩應當
无所觀作不著身命故菩薩應當甘
軟好語善來問訊故菩薩應當常先
意語無有瞋憤不言說故菩薩應當
猶若如地无愛憎故菩薩應當柔和
善軟同心歡樂故菩薩應當善易教
誨速受教故菩薩應當除捨憍慢謹
下一切諸衆生故菩薩應當猶之如
狗不誑一切衆生不違本誓故菩薩
應當衆生中起大慈心一切空故菩
薩應當諸衆生中起大悲心為諸衆

生作大利故菩薩應當生於大喜欣樂修集諸善根故菩薩應當修行大捨不觀一切五欲樂故菩薩應當不貪慳惜自捨身故菩薩應當不著我所不貪一切諸財物故菩薩應當修大捨一切妄想故菩薩應當具滿大財聖七財故菩薩應當牢堅志固一切善根故菩薩應當無有滿足修集无量佛功德故菩薩應當智慧勇健摧四魔故菩薩應當作大醫王善治一切煩惱病故菩薩應當為作應供不捨菩提心故菩薩應當作於福田為諸衆生作光明故菩薩應當猶如蓮花不為世泥所染汗故菩薩應當猶如舩棧度諸衆生故菩薩應當猶之如橋於上中下一切衆生无別想故菩薩應當猶如大池專意正法水無盡故菩薩應當猶如大海一向多聞无厭足故菩薩應當猶如大山無能動故菩薩應當善安止住如門閭故菩薩應當無所染著一切所有諸財物故菩薩應當令心自在不退轉故菩薩應當猶如大王為尊勝故菩

薩應當猶如帝釋一切衆生所尊貴故菩薩應當猶如梵王自在法王故菩薩應當安樂一切諸衆生等究竟安樂至涅槃故菩薩應當為作父母與諸衆生衣服利故菩薩應當无所傷損一切善不善法故菩薩應當無所侵害親非親中心平等故菩薩應當不親不信所生諸入故菩薩應當為法施主一切悉捨故菩薩應當離於一切放逸懈怠為集菩提故文殊師利菩薩常應牢強精進修集一切諸戒德行為得无上正真道故亦時世尊讚常精進菩薩摩訶薩善哉善哉善男子善說諸行所應住想善男子若菩薩摩訶薩欲速得此集一切福德三昧者應當勤修一切福德不應捨離一切福德亦時那羅延菩薩自言世尊若有得此集一切福德三昧者不墮惡道不生八難斷諸貧窮心常自在諸根具足以三十二大丈夫相善自在嚴得大辯才及无盡法得陀羅尼得不忘念起一切福轉法輪故得灌頂位釋梵護世一切衆生

所供養故得具諸通達一切死此生彼故得大自在在在所生諸所入故得大封邑增長諸法故得智光明離惡邪見故得大稱讚一切聲聞緣覺地故得大調伏一切聲聞緣覺人故善分別諸根教化衆生故神通自在諸禪解脫三昧門故得无作施解知施故得無住戒三戒淨故有無量忍慈心普遍諸衆生故修行精進心无疲倦故得禪波羅蜜解知寂靜為化衆生生欲界故淨慧莊嚴善觀音聲故是名淨眼能見道繫離見佛及與聞法不離於空無相无作能持一切佛所有法不離觀見得不退轉菩薩之僧去無障導一切佛土諸功德故降伏諸魔勝四魔故得深法忍不退轉法故疾能通達滿足佛法所未聞法自來入耳欲願具足取一切佛土諸功德故彼得安隱離諸習故得自在身普遍三界而示現故一切外道不能降伏善守護法於諸佛所捨失身命守護正法故見佛境界而不昇竟入涅槃故得無所畏在衆元畏故

集一切福德經卷下 第十五章 第七

有所在作為以智為首心無所營故
 現大莊嚴神通變化故得大勢力過
 諸宮故淨音聲揚遍聞一切諸世界
 故心大勇健催伏一切諸魔軍故到
 神通彼岸能動一切佛世界故得大
 辯才法辭及義無尋滯故知解无尋
 而無放逸住作佛事示諸衆生一切
 智故那羅延若菩薩入是集一切福
 德三昧得於如是相貌事像无量功
 德尔時那羅延菩薩自言世尊願諸
 衆生得集一切福德三昧如此菩薩
 得是三昧所有功德令諸衆生得是
 功德一切聲聞及諸緣覺之所無有
 世尊若有菩薩不得聞於是三昧實
 雖聞不解當知是人為魔所持佛言
 那羅延如是如是如汝所說若有菩
 薩聞三昧所生功德若已生若今生
 若當生無量无边尔時那羅延菩薩
 問文殊師利若有菩薩欲修集行是
 三昧者當行何法文殊師利言菩薩
 欲得是三昧者不捨凡夫法為持佛
 法如是修行不與法相應不與非法
 相應如是修行雖流轉生死不學生

集一切福德經卷下 第十六章 第七

死法不為生死所深雖學沮厭不入
 聲聞緣覺沮厭復次那羅延若有菩
 薩欲學此三昧應益增長集一切福
 德於不有漏无漏諸功德中生起妄
 想若善不善有為無為世間出世間
 若罪若福起於分別解一切福德皆
 入法性若福法行若罪法行若无記
 法行皆入法性應如是見諸衆生福
 等不實起是衆生福佛福悉皆同等
 不見差別法界無異起无差別若凡
 夫福學福无學福緣覺福菩薩福正
 覺福悉皆不實無有物故无有方處
 無非方處應如是知應解福性衆生
 同等善男子如一切色皆依四大菩
 薩之福亦復如是遍一切處終不起
 於福德狂逸應知无常盡滅之法那
 羅延若菩薩欲得此三昧者於四法
 中而不驚畏何等四於諸衆生大悲
 無邊佛刹无边佛智無邊入一切衆
 生心行無邊那羅延菩薩於此四無
 邊中不應生畏又復菩薩應當解知
 四不思議何等四業及業報不可思
 議一切衆生種種諸行若干差別不

集一切福德經卷下 第十七章 第七

可思議佛如來行不可思議菩薩生
 起諸清淨行不可思議那羅延是名
 為四不可思議應當解知善男子菩
 薩解知得四無盡何等四福德无盡
 滿捨無盡樂說无盡究竟智無盡那
 羅延是為菩薩得四无盡那羅延菩
 薩應當修行四法何等四莊嚴善根
 無有滿足方便迴向一切无盡無有
 滿足一切佛土諸莊嚴事取以莊嚴
 自己佛土無有滿足梵本中那羅延
 菩薩應當如是修集行是四法尔時
 那羅延菩薩復問文殊師利此集一
 切福德三昧經當至何等菩薩之手
 若是經卷若至舍宅若禪若忍若在
 家若出家文殊師利言那羅延若菩
 薩摩訶薩聞是三昧若至於耳若至其
 手若至舍宅彼人若當不起誹謗如
 是之人我不名之為在家者當名是
 人為出家者何以故由是菩薩勤修
 分別是三昧故彼人當能除一切想
 在在在處處一切福德及與智慧无盡
 無散那羅延菩薩為化諸衆生故示
 現種種形色相貌那羅延是人遍至

一切諸處猶如日月照四天下一切
悉現如是那羅延菩薩亦不依諸
難雖在家中而不依家亦非出家不依
沙門法二俱叵說何以故菩薩不依
一切所有及諸入故那羅延如琉璃
寶器隨所在處不失其性如是那羅
延若有菩薩住是三昧雖復在家當
說是人名為出家能不失是法界體
性尔時那羅延問文殊師利菩薩摩
訶薩住在何處而能不失是集一切
福德三昧得於如是無盡福德智慧
莊嚴文殊師利言菩薩摩訶薩有四
住處何等四所謂菩薩不住身命及
諸利養尊重讚歎住空无相無願三
昧不住聲聞緣覺正位怖望佛智及
無身辯而无貢高妄想分別亦不執
著如是住處是菩薩住解脫一切所
有衆生不住我人衆生壽命及與丈
夫那羅延是為菩薩四所住處寂勝
住處莊嚴无盡大福德聚莊嚴無盡
大智慧聚斷一切見成就具足起諸
佛法那羅延言文殊師利菩薩云何得
是住處得名出家文殊師利言那羅

延菩薩有四法得是住處謂住慈住
悲住喜住捨那羅延是為菩薩住四
住處那羅延菩薩若住村邑聚落若
住空處若住是四梵行住處名正住
處若離是四梵行住處正殿堂樓閣
中住不名住處那羅延是人名為欺
誑一切人天阿修羅虛食供養那羅
延菩薩若住餘諸梵行皆攝在此四
梵行中何以故那羅延是梵行住處
甚難得故若有不見是四梵行緣聖
禪者是世身見不斷於慢那羅延言
文殊師利云何菩薩得名住此慈悲
喜捨文殊師利言那羅延若有菩薩
作如是念我要當度一切衆生是名
住慈我要當說一切衆生是名住悲
我要當令一切衆生得住佛法是名
住喜我要當以出世間法寂靜一切
諸衆生等是名住捨復次那羅延菩
薩若解諸法界空是名住慈菩薩若
解諸法界寂是名住悲菩薩若解一
切法界无著無縛无解是名住喜菩
薩若解一切法界無去无來是名住
捨那羅延是名菩薩住慈悲喜捨復

次那羅延菩薩若見無我之法而不
驚畏是名住慈若見一切衆生寂滅
而不驚畏是名住悲若聞一切佛法
同等如一佛法而不驚畏是名住喜
若聞一切剎無盡而不驚畏是名住
捨復次那羅延无所罣滯是名為慈
救衆生苦是名為悲志無所惱是名
為喜不高不下是名為捨復次那羅
延有慈悲非大慈大悲大悲聲聞
緣覺之所無有聲聞緣覺所有慈悲
不能安樂一切衆生是名慈慙非大
慈云何名為大慈大悲若於一切衆
生等起平等心脫其苦惱是名菩薩
大慈大悲若生五道為諸衆生自捨
已樂作如是念是諸衆生墮在邪道
我當安止令住正道是名菩薩大慈
大悲那羅延是故當知聲聞緣覺有
慈有悲無大慈大悲那羅延是故菩
薩應當修滿大慈大悲說是大慈大
悲法時八千衆生發阿耨多羅三藐
三菩提心作如是言我等亦當住如
文殊師利所說大慈大悲八千菩薩
得集一切福德三昧八千衆生遠離

集一切福德經卷下 第三十

塵垢得法眼淨。爾時那羅延菩薩白言：世尊！如來世尊名百福相，以何因緣得如是相？佛告那羅延：若於十方各如恒河沙等世界，所有眾生皆成轉輪大王，所有功德福聚等一帝釋，所有福德十方恒河沙等世界，所有眾生成就福聚，皆如帝釋。是諸帝釋，所有福聚等一梵王，所有福聚那羅延。若恒河沙等世界，所有一切眾生，皆成聲聞，所有德聚等一緣覺，所有福德那羅延。恒河沙等世界，所有一切眾生，皆悉成就緣覺德聚。那羅延，是諸一切聲聞緣覺，所有德聚盡合為一菩薩成就。是集一切福德三昧。有如是福，所有德聚復過於那羅延。是菩薩所成福德善根，无量無邊。那羅延，若使十方如恒河沙等世界，所有一切眾生，皆悉逮得是集一切福德三昧。福德之聚，是諸德聚復百千倍。猶不等佛一相福，是名如來百福德。相一切眾生，无能思量。是故如來名不思議百福德。相說是百福德。相法時，而此三千大千世界六種震

集一切福德經卷下 第三十一

動。大光普照，百千伎樂不鼓，自鳴。天雨妙花，一切世間諸天世人，阿修羅等，歎未曾有大聲唱善。五體投地，禮世尊。足作如是言：若有眾生發於無上正真道心，快得善利，當得如是百福德。相莊嚴之身，勝諸一切釋梵護世聲聞緣覺，所有德聚。其有眾生得聞此集一切福德三昧寶者，得大利益。既得聞已，當如說行。世尊所在國土，有是經處，當知是中善男子、善女人，佛力所持，能流通此經。世尊若使滿於世界大火，當從中過。往聽是經，佛言如是如是。善男子，如汝所言，若有善男子、善女人，不聞是經，當知是人為魔所持。善男子，若菩薩聞此三昧經，不能受持，我不說彼名為得聞。若聞不持，不讀不誦，不轉不於大眾廣分別說，不名多聞。爾時大眾皆共同聲白言：世尊！願護是經名集一切福德三昧。令廣流布。爾時世尊放於白毫藏相光明，遍照无量無邊世界。是光明中出如是音聲：如來應供正遍覺已，護是經。爾時佛告大德

集一切福德經卷下 第三十二

阿難！如來不久當般涅槃。却後三月，入無餘涅槃。阿難！我今以此三昧經典付囑於汝。受持讀誦，廣分別說。阿難！若有眾生持是經者，若有開示是經典者，當知是人則為見佛。若大眾中分別演說，顯示文義，當知是人守護正法。爾時阿難悲泣流淚，白言：世尊！願住一劫。若住百劫，若住千劫，多所安隱，多所饒益。利安人天，佛告阿難：汝勿悲泣。汝若受持是經，讀誦令廣流布，使不漏失。隨爾所時，常為見佛。何以故？佛如來者，不可以色身所見，不可以三十二相見，不可以諸好而見。阿難！若有得見如是等經，則為見佛。說是經已，文殊師利法王子、那羅延菩薩、淨威力士及大菩薩僧、大德阿難等，聲聞大眾一切人天諸龍夜叉、乾闥婆、阿修羅、世間人民，聞佛所說，皆大歡喜。

集一切福德經卷下

正

集一切福德三昧經卷下

校勘記

- 一 底本，金藏廣勝寺本。
- 一 二三頁中一五行第七字「是」，石、資、磧、南、徑、清、麗無。
- 一 二三頁下一九行第一一字「相」，資、磧、南、徑、清作「想」。
- 一 二三頁下二〇行首字「轉」，磧作「毀」。
- 一 二三頁下二一行第七字「墮」，資、磧、南、徑、清作「惰」。
- 一 二四頁上七行第二字「過」，資、磧、南、徑、清作「過去」。
- 一 二四頁上八行第五字「現」，資、磧、南、徑、清作「現在」。
- 一 二四頁上九行首字「去」，資作「未」。
- 一 二四頁上二一行第一三字「其」，徑、清作「是」。
- 一 二四頁中一四行第四至五字「界行」，資作「行界」。

- 一 二四頁中一七行末字「提」，石作「薩」。
- 一 二四頁下二〇行第七字「覺」，磧、南、徑、清作「學」。
- 一 二五頁上四行第八字「知」，石、資、磧、南、徑、清、麗作「如」。
- 一 二五頁中五行第二字「是」，資、磧、南、徑、清作「若是」。
- 一 二五頁中末行第二字「修」，資、磧、南作「行修」；徑、清作「修行」。
- 一 二五頁中末行第一三字「白」，資、磧、南、徑、清作「白佛」。
- 一 二五頁下七行第六字「凡」，資、磧、南、徑、清、麗作「非凡」。
- 一 二五頁下八行末字至九行首字「共俱」，麗作「俱共」。
- 一 二五頁下一〇行第六字「想」，資、磧、南、徑、清作「相」。
- 一 二五頁下一八行「修集」，資、磧、南、徑、清作「修習」，下同。
- 一 二六頁上一行第六字「因」，石、資、磧、南、徑、清、麗作「恩」。

- 一 二六頁上一三行第一三字「切」，資、磧、南、徑、清、麗無。
- 一 二六頁上一九行首字「以」，石、資、磧、南、徑、清、麗無。
- 一 二六頁上一九行第九字「住」，資、磧、南、徑、清作「在」。
- 一 二六頁中七行第一一字「然」，資、磧、南、徑、清作「及」。
- 一 二六頁中一二行第一一字「可」，資、磧、南、徑、清作「得」。
- 一 二六頁中一六行「位大」，資、磧、麗作「立大」；南、徑、清作「位天」。
- 一 二六頁中二〇行第一三字「不」，資、磧、南、徑、清作「不以」。
- 一 二六頁下一二行「淨自」，資、磧、南、徑、清作「當白」；麗作「當自」。
- 一 二六頁下一八行第四字「心」，資、磧、南、徑、清作「止」。
- 一 二六頁下二二行第三字「衆」，石、資、磧、南、徑、清作「諸衆」。
- 一 二七頁上四行「貪慳」，石、資、磧、南、徑、清作「慳貪」。

一 二七頁上六行「大捨」，**資**、**磧**、**南**、**徑**、**清**作「大捨心捨」。

一 二七頁上一四行「染汙」，**資**、**磧**、**南**、**徑**、**清**作「汙染」。

一 二七頁上一七行末字「水」，**磧**、**南**、**徑**、**清**作「永」。

一 二七頁下一行第八字「通」，**資**、**磧**、**南**、**徑**、**清**作「通通」。

一 二七頁下二行第七字「在」，**資**、**磧**、**南**、**徑**、**清**作「自」。

一 二七頁下八行第五字「住」，**石**作「作」。

一 二八頁上一行「在作為」，**資**、**磧**、**南**、**徑**、**清**作「為作」。

一 二八頁上六行「導滯」，**資**、**磧**、**南**、**徑**、**清**作「滯礙」。

一 二八頁上八行第二字「故」，**資**、**磧**、**南**、**徑**、**清**作「故佛告」。

一 二八頁上一〇行第九字「白」，**資**、**磧**、**南**、**徑**、**清**作「白佛」。

一 二八頁上一七行第二字「聞」，**資**、**磧**、**南**、**徑**、**清**、**麗**作「聞是」。

一 二八頁中四行「於不」，**石**、**資**、**磧**、**南**、**徑**、**清**、**麗**作「不於」。

一 二八頁中六行第九字「解」，**資**、**磧**、**南**、**徑**、**清**作「於」。

一 二八頁中一二行「悉皆」，**資**、**磧**、**南**、**徑**、**清**作「皆悉」。

一 二八頁下一〇行夾注「梵本中少一」，**資**、**磧**、**南**、**徑**、**清**作「梵本中少一法」。

一 二九頁上六行第五字「在」，**石**作「住」。

一 二九頁上一七行第九字「位」，**麗**作「住」。

一 二九頁上二二行第六字「言」，**麗**作「問」。

一 二九頁中五行第一〇字「正」，**資**、**磧**、**麗**作「雖正」；**南**、**徑**、**清**作「雖於」。

一 二九頁中七行第一〇字「食」，**石**作「貪」。

一 二九頁中一五行第六字「說」，**資**、**磧**、**南**、**徑**、**清**作「救」；**麗**作「脫」。

一 二九頁下六行「導滯」，**資**、**磧**、**南**、**徑**、**清**作「滯礙」。

一 二九頁下九行第一〇字「大」，**石**作「有大」。

一 二九頁下一一行第一二字「愍」，**石**、**資**、**磧**、**南**、**徑**、**清**、**麗**作「悲」。

一 二九頁下一二行首字「慈」，**石**、**麗**作「慈悲」；**資**、**磧**、**南**、**徑**、**清**作「慈大悲」。

一 二九頁下一二行末字「衆」，**石**、**資**、**磧**、**南**、**徑**、**清**作「諸衆」。

一 三〇頁上一〇行「皆成」，**資**、**磧**、**南**、**徑**、**清**、**麗**作「成就福聚皆如梵王是諸梵王所有福聚等一聲聞所

有**福聚那羅延若恒河沙等世界所有一切衆生皆成聲聞是諸**（**麗**無「聲聞是諸」四字）。

一 三〇頁上一〇行第七字、一二行第一〇字、一三行第一一字、一五行第七字、一九行第一一字及同頁中七行第八字「德」，**資**、**磧**、**南**、**徑**、**清**作「福」。

一 三〇頁上一行第二字「德」，**資**、**磧**、**南**、**徑**、**清**作「聚」。

一 三〇頁上一九行「德聚」，**資**作「福」。

一 三〇頁上二〇行第九字「福」，**資**、**磧**、**南**、**徑**、**清**作「福德」。

一 三〇頁中一九行第三字及同頁下七行第一二字「白」，**資**、**磧**、**南**、**徑**、**清**作「白佛」。

一 三〇頁下四行第九字「者」，與第一〇字「若」之間，**資**、**磧**、**南**、**徑**、**清**、**麗**有「則於其人佛不涅槃法亦不滅何以故阿難」共十七字。

一 三〇頁下一三行第一〇字「見」，**石**作「所」；**麗**作「所見」。

一 三〇頁下末行第六字「經」，**資**、**磧**、**南**、**徑**、**清**作「三昧經」。